

陳胤：西北雨—台北二二八公園寫真

M知啥物時陣，日頭
走去 bih，bih tī 烏雲內面
天暗落來，透中晝假若
是黃昏.....

風，開始 tī 樹尾溜
亂亂走，這欖搬過 hit 欖
愈走愈緊，愈走愈緊，歸個公園
攏絞起來啦.....

Bē 赴看著 sih-nah，雷公就損落來
Suà 來，phé-eh 一下
Siáng 大雨
雨霧濛濛 uì 四邊
罩過來.....

Hit 年春天就是按呢
驚惶攏 bē 赴驚惶
花蕊 kap 枝葉
作伙墜落塗脚

澹糊糊 ê 靈魂.....

啊！阮 ê 愛情 bē 赴看清楚
家己 ê 面容，就 hō 你 ê 目屎
沃 kah 澹糊糊，親像

澹糊糊墜塗 ê 枝葉
美麗 koh 哀愁.....